



CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E A CONFEDERACIÓN DE EMPRESARIOS DE GALICIA (CEG) CO FIN DE ACOLLER BOLSEIRO/AS PARA A ADQUISICIÓN DE COMPETENCIAS PROFESIONAIS EN MATERIA DE INTERNACIONALIZACIÓN EMPRESARIAL

En Santiago de Compostela

REUNIDOS

Dunha parte, o Sr. D. Fernando Guldrís Iglesias, en representación do Instituto Galego de Promoción Económica (Igape), con CIF Q 6550010J e domicilio en Complexo Administrativo de San Lázaro s/n 15703 Santiago de Compostela. (A Coruña). Está facultado para este acto en virtude da delegación de facultades do 23 de decembro de 2016 do Presidente del Igape, feita pública mediante Resolución do 25 de xaneiro de 2017 (DOG nº 23, do 2 de febreiro de 2017).

E doutra parte, o Sr. D. Juan Manuel Vieites Baptista de Sousa, en representación da Confederación de Empresarios de Galicia con CIF G-15080476 e domicilio na Rúa do Vilar nº 54 de Santiago de Compostela, en virtude do seu nomeamento como Presidente da citada entidade na Asamblea xeral electoral do 21 de xaneiro de 2021.

As partes recoñécense mutuamente capacidade xurídica suficiente,

EXPOÑEN

- 1.- Que mediante Resolución da Dirección Xeral do Igape do 19 de febreiro de 2020 publicáronse as bases reguladoras do Programa de adquisición de competencias profesionais en materia de internacionalización empresarial.
- 2.- Que estas bases regulan a concesión dun máximo de 50 bolsas de formación práctica -no ámbito da internacionalización empresarial- para realizar labores de investigación de mercados, estudo de empresas e a súa planificación para internacionalización e para investigación das posibilidades de cooperación internacional entre empresas galegas e estranxeiras.
3. - Que os posibles destinos dos bolseiro/as indicados nas bases son: oficinas de Igape e Xunta, oficinas comerciais de España no exterior, cámaras de comercio españolas no estranxeiro, organismos multilaterais, organismos intermedios galegos, centros de investigación, empresas e/ou outros organismos en Galicia ou no estranxeiro.
- 4.- Que ambas organizacións coinciden no interese de colaborar en accións que faciliten o acceso das empresas a novos mercados, a formación de persoal especializado en internacionalización, e acceso das empresas galegas a profesionais con este perfil.
- 5.- Que, convido aos lexítimos intereses dos comparecentes, acordan regular a dita colaboración de acordo coas seguintes



CLÁUSULAS

PRIMEIRA.-

É obxecto do presente convenio regular as relacións de colaboración entre o lgape e CEG para a acollida dun bolseiro/a da convocatoria do Programa de adquisición de competencias profesionais en materia de internacionalización empresarial.

SEGUNDA.-

A duración inicial da bolsa no organismo de acollida é de 9 meses e a data de comezo estímase durante o mes de febreiro de 2021. A dita duración poderá ser prorrogada polo lgape por un período máximo de doce meses adicionais en consideración á conveniencia de finalizar ou completar unha etapa da formación que xa estivesen comezadas ou a piques de comezar na data de finalización da bolsa, sempre e cando CEG acepte a prolongación da estadía.

A dotación da bolsa será pagada integramente polo lgape ao bolseiro/a, e inclúe todos os impostos de carácter persoal así como a Seguridade Social. O lgape non aboará ningunha cantidade á entidade colaboradora. No caso de que das tarefas encomendadas polo organismo se incurra noutros gastos non cubertos polas bases reguladoras do programa, estes gastos serán por conta do organismo.

O lgape asignará o bolseiro/a a CEG tendo en conta a puntuación final obtida polo bolseiro/a na resolución definitiva e o seu lugar de residencia.

O lgape poderá substituír ao bolseiro/a no caso de renuncia do bolseiro/a anterior ou por cambio de destino por causa xustificada.

TERCEIRA.-

A colaboración de **CEG** consistirá en:

- A execución, dentro do horario laboral, do plan de formación plantexado por CEG, que se une como anexo ao presente convenio.
- A realización, a través do(s) titor(es) proposto(s) e que se indica no anexo ao presente convenio, do seguimento da actividade desenvolta polo bolseiro/a dentro do programa de formación establecido, e a provisión do asesoramento necesario para o seu correcto desenvolvemento e integración.
- A realización e envío ao lgape de informes acumulados trimestrais de execución e resultados do programa de formación, así como o informe final.
- Permitir a execución por parte do bolseiro/a de tarefas complementarias que o lgape lle poida asignar así como a participación en reunións, seminarios,... aos que o bolseiro/a sexa convocado polo lgape, sendo neses casos por conta do lgape os gastos de desprazamento, que se aboarán directamente ao bolseiro/a como parte da dotación da bolsa.
- A posta a disposición das instalacións e os medios apropiados para o desenvolvemento da bolsa.



- A inclusión do bolseiro/a no plan de prevención de riscos de CEG, asegurándose de que é coñecedor do dito(s) plan(s).
- O bolseiro/a deberá cumprir co réxime de ordenamento interno de CEG.
- Subministrar toda a información necesaria para que o lgape poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da devandita lei.

CUARTA.-

As actividades do beneficiario serán en todo caso formativas, sen que en ningún suposto poida ostentar a condición de responsable, nin tan sequera de facto, da execución de calquera tipo de actividade. O bolseiro/a deberá estar en todo momento supervisado e controlado polo titor que se lle designe, que será quen adopte calquera decisión que se considere necesaria e vele porque o beneficiario aproveite con éxito o proceso de formación.

Os dereitos e obrigas establecidas en virtude do presente convenio de colaboración non presupoñen relación laboral nin de servizos entre CEG e o bolseiro/a.

QUINTA.-

A entrada en vigor do convenio será desde a data efectiva de incorporación do bolseiro/a a CEG. A súa duración será de 9 meses podendo prorrogarse por doce meses adicionais se existe conformidade ao respecto polas dúas partes.

SEXTA.-

As controversias que puidesen xurdir da interpretación do presente convenio resolveranse por unha Comisión Mixta constituída por un representante designado por cada unha das partes e presidida polo director xeral do lgape, a cal se reunirá a convocatoria de calquera dos seus membros, poñendo os seus acordos fin á vía administrativa e correspondendo contra os mesmos recurso contencioso-administrativo ante os Xulgados de Santiago de Compostela.

SÉTIMA.-

As partes poderán modificar ou resolver o presente convenio en calquera momento por mutuo acordo. Así mesmo, poderán denunciar o presente convenio en calquera momento por vontade expresa de calquera das partes cun preaviso de quince días naturais.

A entidade colaboradora someterase aos mecanismos de inspección e de control que o lgape considere convintes, vinculadas ás actividades formativas dos beneficiarios en relación coa bolsa concedida

O incumprimento de calquera das obrigas contraídas no presente convenio por unha das partes facultará á outra para resolver o mesmo, cos efectos que legalmente procedan.

OITAVA.-

CEG consinte expresamente a inclusión dos datos persoais e relevantes deste convenio nos rexistros públicos que proceda, de acordo co Decreto 126/2006, do 20 de xullo, polo que se regula o Rexistro de Convenios da Xunta de Galicia, e poderá exercer os seus dereitos de acceso, rectificación, cancelación e oposición respecto do contido dos rexistros antes citados ante a Dirección Xeral do Instituto Galego de



Promoción Económica, sito no Complexo Administrativo de San Lázaro s/n, 15703 Santiago de Compostela.

NOVENA.-

O presente convenio ten natureza administrativa e rexerase polas súas propias cláusulas e no disposto por elas, polas normas de Dereito Público español, isto é, a Lei 39/2015, do 1 de outubro, do procedemento administrativo común das administracións públicas e demais normas subsidiarias.

O presente convenio obriga ao cumprimento do expresamente pactado, someténdose as partes ao acordado en tódalas estipulacións, e como proba de conformidade asínase por duplicado exemplar no lugar e data arriba indicados.

Polo IGAPE:

Por CEG:

Asdo.: Fernando Guldrís Iglesias

Asdo.: Juan Manuel Vieites Baptista de Sousa



ANEXO PLAN DE FORMACIÓN	
NOME TITOR BOLSEIRO/A:	Dª Laura Otero Rúa
MERCADOS DE INTERESE:	A Confederación de Empresarios de Galicia é a organización intersectorial empresarial máis representativa do ámbito de Galicia. De acordo co seu ámbito de actuación fai un seguimento continuo da política de apoio á internacionalización das empresas, así como da Política Comercial da UE con terceiros países e propón iniciativas que fomenten a presenza das empresas de Galicia nos mercados exteriores. Dado o seu carácter transversal e de apoio a todos os sectores da nosa economía, facilita apoio e asistencia en calquera mercado de interese das empresas de Galicia
ACCIONS INTERNACIONALIZACIÓN PREVISTAS 2021:	Asesoramento a Asociacións e empresas no eido da internacionalización. Elaboración de documentación de apoio á internacionalización das empresas. Difusión e apoio ás iniciativas de internacionalización no ámbito da nosa Comunidade.
PLAN DE TRABALO E TAREFAS DO BOLSEIRO/A:	1.- Asesoramento a Asociacións e empresas en temas relacionados co Brexit: novos aranceis, impostos e dereitos adicionais, novos procedementos aduaneiros e formalidades a cumprir nas operacións de exportación e importación con Reino Unido e outros requisitos non arancelarios, etc. 2.- Realización e actualización de estatísticas de fluxos comerciais cos principais mercados cos que Galicia mantén relacións comerciais. 3.- Elaboración de guías sobre como exportar/importar determinados bens/servizos relevantes para a economía galega. 4.- Elaboración dunha guía sobre os INCOTERMS 2020 que entraron en vigor o 1 de xaneiro de 2020 e que regularán o comercio internacional durante 10 anos. 5.- Guía actualizada sobre as unións aduaneiras e os acordos comerciais da UE que permiten ás empresas europeas e dos países socios gozar de condicións máis vantaxosas que as ofrecidas no marco da Organización Mundial do Comercio. Guía sobre as normas de orixe. 6.- Guía sobre o sistema de preferencias xeneralizadas e países que se acollen. 7.- Guía sobre as normas de seguridade, sanitarias e fitosanitarias que deben cumprir as mercadorías para ser importadas na UE.



	8.- Analizar oportunidades comerciais para as Asociacións e empresas galegas. 9. Apoiar as distintas iniciativas de fomento da presenza das empresas de Galicia nos mercados exteriores.
--	--